



Комсомолю Вайгяль

Сембе масторонь пролетариятне, пуромода мар а

ЛИСЕНДИ VIII-це КИЗОСЬ

ВЛКСМ-нь Мордовский
обкомъ и Саранский
горкомъ газетасна.

Адресъ: г. Саранск, Советская ул.,
Дом печати, Телефон № 1—60.

ПИТНЕЦ 5 тр.



ЛИСЕНДИ КОВТИ 12-ксть.

ВИШКОПТЕМС ФИЗКУЛЬТУРНАЙ ДВИЖЕНИЯНЬ КАСОМАТЬ

Физкультура и спорт колга партиянь Центральнай Комитетъ 1935-це кизонь мудрай решения-сонза, конац лихтьф Сталин ялгать инициативанц коряс, корхтави физкультура воспитательнай и обороннай задачанзон колга. Решенияса съорматф, што физический культура должен ащемс политическо-культурнай воспитанятия и образованияи неот'емлемай пяльксос, и должен улемс сувафтф соответствующай общественной и государственной организациятнень и учреждениятнень общей планозост.

Физкультурнай движения касоманц колга партия и лична Сталин ялгать заботаснон вельде, кизода-кизос касы физкультурникнень и спортсметтнень лувкссна.

Мордовияса 19 тьожянда лама колхознай и рабочай од ломатъ примосихть участия различнай физкультурнай коллективса и 12 добровольнай обществаса.

Од, жизнерадостнай поколений физкультураи потребностенц касоманц мархта касыхть осоавиахимский организациятнень лувкссна. Мельцанский района осоавиахимский организациятнень лувкссна касъ 45, конатнень эса сембоц ОСО-нь членда лувондови 1078 ломань.

Но эряви азомс, што республикаса физкультурнай движенияснинге ащи низкай уровня. Уликс сатыксне аф удовлетворядакшнесазь од ломаттнень шиста-шис касы требованияснон. Тьожятть од патриоттнень ули мялсна максомс норматнень ГТО-нь значокти, но нят мялхне лама случайста иляткшнихть апак пшкотть, сяс мес кой-кона райкомонь военно-физкультурнай отделхне, кода Зубово-Полянский, Ст.-Шайговский, иляткшнихть фталу сят задачатнень эзда, конатнень путозень партияс и правительствась.

Физкультурнай работась тячиень шити кода эряви апак ладяк Саранск ошсовок. ВЛКСМ-нь горкомъ и физкультурнай и спортонь республиканский комитетс фкя-фкянь мархта пцтай кодамовок соткс аф кирдихть. Ошса нинге 1939 кизоня ГТО-нь значкиста-комсомолецт лувондовсь 319 ломань. Тяка жа лувкссь иляткшн тячиень шити самс. Педучилищаса, аф ваномоксян лангс, што физкультурнай и спортонь тевса работайхть 4 платнай работник, 1940-це кизоня ашесть анокла ГТО-нь фкявок значкист.

Кизонь спортивнай сезонца ошень од ломаттнень физкультураса занятияи единственной базакс ащи „Учитель“ спортивнай обществать стадионц, конацтяфта жа эсь пингстонза лацкас апак аноклак.

Физкультурнай и спортонь республиканский комитетти эряви шарфтомс оцю мял нят аф сатыкснень лангс, и маластонь пингть тиемс цебарь условия физкультурнай движенияи вишкоптема-сонза.



Май 11-це шистонза Выборгса СССР-нь Верховнай Советъ Президиумонц председателец М. И. Калининъ максь орденъ и медальхть финский белогвардейщинаъ каршес бойса мужествань и геройствань няфеманкса казьфненди—Выборгу саф частень делегациятненьди, боецненьди, командирхненди, политработникненьди.

СНИМКАСА: М. И. Калинин ялгась Якстерь Армиянь частень представительхнень йоткса орденонь максомода меле.

(Фотосъ В. Ивановъ (Фото-клишесъ ТАСС-ть).

СТАЛИН ЯЛГАСЬ ЗАРЕГИСТРИРОВАНДАФ ДЕПУТАТОНДИ КАНДИДАТКС КАРЕЛО-ФИНСКИЙ ССР-НЬ ВЕРХОВНАЙ СОВЕТУ

Кода ни ульсь азф, Петрозаводск ошень рабочайхнень, инженерно-технический работникнень, служащайхнень общей собранияса, конатнень эса примасть участия 2759 ломань, Карело-Финский ССР-нь Верховнай Совету депутатонди кандидаткс Петрозаводск ошень Набережной 1-це № округъ эзга ульсь выдвинутай И. В. Сталинъ кандидатурац.

Май 15-це шистонза Карело-Финский народсь получась радостнай куля—Сталин ялгась максь согласия баллотироваться Каре-

ло-Финский Советский Социалистический Республиканъ Верховнай Совету депутаткс Петрозаводск ошень Набережной 1-це № избирательнай округъ эзга.

Набережной окружной избирательнай комиссияс постановил И. В. Сталин ялгать кандидатуранц зарегистрировандамс Карело-Финский ССР-нь Верховнай Совету баллотировканди.

(ТАСС).

Знаменательнай дата

Май 16-це шистонза Москва ученайн кудса ульсь торжественнай заседания, конац посвященный Сталин ялгать Кремляса высшай школань работникнень примамста выступлениянц годовщинацты.

Доклад мархта выступил комитетъ председателец Кафтанов ялгась.

„Сталин ялгать исторический речец,—азозе Кафтанов ялгась,—определил наукать развитиянъкинц, вдохновил советский ученай хнень од творческий работас. Йотаф кафта кизотнень пингста ламода кассть и кемокстасть минь стра-

наньконь научнай кадранза: 1938 кизоня лувондовсь 4.618 профессор, а 1939 кизоня—5.210. Тяни Советский Союза 750 вуст, конатнень эса тонафни 619 тьожянь студент. Авьцек мекольце кизотнень пингста од ученайхне защитили 3 тьожятть пале мархта кандидатский 700 докторский диссертацият. Минь вузоньке мекольце периодъ получасъ 900 лама ученик, конатнень составили виднейшай советский ученайхне.

Оцю под'ем мархта заседанияи участникне примасть приветствия Сталин и Молотов ялгатненди.

(ТАСС).

В. М. Молотов ялгась примазе Шведский торговый делегациянъ председатель Г. Эриксон г-нтъ

1940 кизоня май 16-це шистонза СССР-нь Совнаркомъ председателец и Иностраннай Тевонь Народнай Комиссарс В. М. Молотов ялгась примазе Шведский торговой делегацият председателец

Г. Эриксона Шведский хозяйствань регулирований министр Г. Эриксон г-нтъ.

Приемса ульсь Шведский посланникс В. Ассарссон г-нтъ.

ИСЯК ПАНЖЕВСЬ МОРДОВСКИЙ ПИСАТЕЛЕНЬ ОМБОЦЕ КОНФЕРЕНЦИЯСЬ

Исяк, Саранск ошса центральный библиотекаса панжевсь мордовский писателень омбоце конференцияс.

Конференцияи делегаттне вишке аплодисмент ала почетнай президиуму кочкесазь ВКП(б)-нь ЦК-ть Политбюронц во главе Сталин ялгать мархта.

Рабочайнъ президиумонь кочкамда меле конференцияс ушедозе эсь работанц. Шинь повестовать васенце кизефксонц коряс „Мордовский литературас и сонь касомасонза перспективатне“ доклад мархта выступил Маскаев ялгась.

Конференцияса примоси участия СССР-нь Писателень Союзъ правленияста представительс Чертова ялгась.

Болгарский печатосъ Италияса положениянъ колга

„Зора“ болгарский газетать римский корреспондентоц пачфни, што сембе Италияса мольтевихть антианглийский демонстрацият. Римса ня демонстрациятнень лувкссна сяда касы.

Май 15-це шистонза сембе ульятне, конат ашихть английский и французский посольствань маласа, ульсь кружафт войскаса. Американский посольствась рекомендовал сембе американецненьди, конат эряихть Италияса, кадомс странать. Тянь жа тиезе английский посольствась англичаттнень колга. Корреспондентс ванондсы тянь кода войнати Италиять вмешательствань маластонь признаконц.

(ТАСС).

Комсомолецне работайхть стахановецокс

Барановка велень „Пролетарий“ колхозонь комсомолецне пях ламода касфтозь колхознай производстваса эсь активностьсон и деловой участиясон. Тяс сембе комсомолецне кемокастаф производствать тя или тона ответственнай участказонза. Полькин комсомолец работай старшай кузнецокс, коса порученнай тевти честнай отношениать и социалистический соревнованиать вельде работаса няфни трудонь отличнай образецт. Полькин ялгать стахановский работанц вельде колхозть сембе вельхозинвентарец ульсь петьф срока инголе, мезенкса колхозсь Полькин комсомолецт казезе ярмаконь премияса.

ВЛКСМ-нь членцъ Данилов ялгась кемокастаф видема. Коннай сеялкаса сменати эриви видемс 4 гектархт, а комсомолецъ Данилов ялгась виденди 8 гектархт. Лиякс мярьгомс сон шинь норматненъ пяхкотькшнесыне 200 процентс.

Тяда башка комсомольский организациясь колхозникненъ и колхознай од ломаттненъ йоткса вятыхть агитмассовой оцю работа.

Милаев.

Атюрьевань район.

УЧЕНИК-УДАРНИК

Канбгуж велень средний школань 10-це классонь ученикне тонафнемаса ашихть ударникокс. Тя классъ тонафнема кизоть 3-це четвертенц пингста сатсь 97,9 процентнай обсолютнай успеваемость.

10-це классонь ученикненъ эзда аф кржась, кода Кирдяев Ванясь, Шумкин Петясь и лиятне тонафнихть аныцек отличайста.

Тяни школань сембе ученикне и преподавательне пях старандазь аноклайхть кизонь проверочнай переводнай и выпускной испытаниятненди. Школань сембе ученикне и преподавательне эсь лангозост сявсть достойнай обязательстват проверочнай и выпускной испытаниятненъ йотафтомс отлична.

Леша Икомасов.

Ельниковский район.

Пионеронь кудса

Надежда Константиновна Крупскаясь корхнесь, што внешкольной учреждениятненъ главнай задачейна—идень коммунистический воспитаниясь. Надежда Константиновнась вешсь синь ширдест работаса массовость и ладямс тевть стания, штоба идсь сонць сатольхце истинать, тонафнемс синь общественной деятельности. Тя задачатъ аф калдявста эряфс йотафнесы Саранск ошень Пионеронь кудсь.

Йотай кизоть Саранск ошень Пионеронь кудса ульсь аныцек 10 кружокт, коса занимандакшнесь 150 ломань. Ня итне касфнезь эсь талантсон, примосестъ участия пионерский костерхненъ эса. А илядыкс иттенъ ашель возможностьна якамс Пионеронь куду. Тя оцю аф сатыксть лац отметил Саранск ошень ВЛКСМ-нь горкомть пленумоц.

Тяни Пионеронь кудсь работанц ладязе оду. Тяни Пионеронь кудса работай 20 кружок, коса занимандакшни 480 пионер. Примосевихть тязя, кода лац тонафнихне и цебарь общественникне, а стания жа и аф дисциплинированной и калдявста тонафни пи-

Пяхкотькшнесазь эсь лангозост сявф обязательстваснон

Мельцанский МТС-ть 15-це № тракторнай бригадац лувондови инь передовой тракторнай бригадакс марнекс МТС-са. Тя тракторнай бригадаса трактористсь Вельматов ялгась сокама лисемда инголе сувасть социалистический соревнованиясь, коса сявсь эсь лангозонза обязательства, штоба вельф и цебарь качества пяхкотькшнемс работань норматненъ. Сон эсь лангозонза сявф обязательстванц пяхкотькшнесы чест мархта. 9,5 гектархт нормать вастс Вельматов ялгась „ЧТЗ“ тракторса сокси эсь сменастонза 20—21 гектар. Майть 3—4-це шинзон пингста Вельматов ялгась сокась 40 гектар цебарь качества.

Тяка жа тракторнай бригадаса трактористсь Нарваткин ялгась „ЧТЗ“ тракторса эсь сменастонза сокси 15—19-нь гектар 9,5 гектархт нормать вастс.

15-це № тракторнай бригадаса улихть стирнат-трактористкат, конат тядденъ кизоть аделазь производстваса апак тук тракторнай курсненъ. Трактористкась Лошмановась „Универсал—2“ тракторса 2,5 гектар нормать вастс сокси 4—5 гектархт эрь сменати.

Тя тракторнай бригадань трактористтненъ работасна арси кепотьксокс МТС-са сембе тракторнай бригадатненди.

Дадонов.

Мельцанский район.

Аноклайхть переводнай испытаниятненди

Малаткшнихть тундань переводнай испытаниянь шитне. Ня шитненди образцовайста аноклайхть Сире Шайговань райононь Сире Теризморга велень аф полной средней школань педагогический коллективсь и ученикне.

Тонафнемаса отличникне и цебарь общественникне кемокастаф социалистический соревнованиянь договорхт испытаниятненъ пингста сембе предметтненъ отличнайста

максомаснон инкса. 7-це классонь ученикне, отличникне и отличницаднне Каргин Федор, Вазьнина Олясь, М. Ямашкинась и лиятне повторядакшнесазь тонафнема кизоть пингста йотаф материалть. Тяда башка синь оцю лезкс максихть калдявста тонафни ялгасонды—лездыхть йотаф материалть повторяндамаса, тиендихть ялгань беседат.

Ст.-Шайговань р-н.

А. Овтина.



СНИМКАСА: МГСС-нь комсомольско-молодежной звенань членцъ Попова ялгась ванонды озимой тозеронь видефть лисьфонц.

Фотось Ивенинтъ.

Ранний зерновой культурань видемась аделаф

Дзержинскийть лемса колхозсь видема пингть трудть правильнайста организовандаманц и колхозникненъ йоткса культурномассовой работать образцовайста ладяманц вельде аделазе майть 9-це шистонза ранний зерновой культурань видеманц.

Эриви азомс, што инь пях цебарьста работась видема тевса од ломаненъ звенась (звеньеводсь комсомолецъ П. Капков ялгась), кона видемань норманц пяхкотькшнеше кафтонь-колмонь крда.

Видихненъ эзда цебарьста работастъ Парамонов и Кудашов ялгатне.

Комсомольский организациять и учительхненъ инициативаснон вельде ноляви стенгазета. Обеденнай перерывста колхозникне морфнихть газетат, кулхконкшнихть радио.

Тяниень пингть колхозсь работай технический культурань видема и колхозникненъ переснон видема.

Поляков.

Ковылкинский район.

МАКСОЗЬ ОБОРОННАЙ ЗНАЧОКТИ НОРМАТНЕНЪ

Оцю работа вятеви Ковылкинский райононь 43 № железнодорожной школань ученикненъ йоткса военной тевть тонафнемаса. Ученикне тонафнесазь винтовкатъ, противогазть материальной частьюснон, тонафнихть меткайста ляцема.

Солидарностень великай праздникть Маень 1-це шить честьс ученикненъ йоткста ламотне максозь обороннай значокс норматненъ. 12 ученик максозь норматненъ Ворошиловский стрелоконь значокти, 18 ученик максозь норматненъ ПВХО-нь значокти.

Лама ученик максозь норматненъ кафцьке значокненди. Ермолаев, Кудрявцев, Демин, Рудакова и лия ученикне максозь ВС-нь и ПВХО-нь значокненди норматненъ.

ОСО-нь организациять председателец, 10-це классонь ученикс, Витя Ванюхинцъ Майнь 1-це шинь вечерста максозень ученикненди максф норматненъ коряс значокснон.

Мария Водякова.

Ковылкинский район.

Ладямс комсомольский организациять работанц

1939-це кизонь Од Выселка велень комсомольский организациясь эсь отчетно-выборнай собраниясонза откказе секретарькс Слепцов ялгать.

Но кода пяхкотькшнесыне комсомолецненъ доверияснон Слепцовсь? Тя кизефксть каршес ответонди ащи ся, што организацияса 1940 кизоть 3 ковонон пингста сон ашезь йотафта фкявок комсомольский собрания.

Комсомолецне нарушандакшнесазь ВЛКСМ-ть программанц и уставонц; улихть комсомолецт, конат ламонь ков ашеть панда членский взност.

Тяда башка комсомолецне аф примосихть активной участия колхозть эряфсонза. Синь йоткстост апак кемокастаф фкявок комсомолец колхозу постояннай работас.

Кевбрин.

3-Полянский район.

онерхневок, синь тяса воспитандакшневихть. Ивенин Юрась, Бокалдин Арнольдсь тонафнесь вечерний школаса, сидеста полнестъ урокть, ульсь аф дисциплинированнойхть, тонафнесь пях калдявста, а меле нльня лоткасть якамада школав. Синь якасть Пионеронь куду, коса тяфтажа эсь пряснон вятезь пях калдявста. Тя историять лангс шарфтьс оцю мяль Пионеронь кудть работниконза и сатсь стама результатт, што Юрась и Арнольдсь арасть активной участниккокс хореографический кружокса. Тяни Юрась кочкаф старостахс тя кружокти.

Пионеронь кудса организовандаф лама работань од формат. Концертнай группась и кукольной кружоксь сидеста выступандакшнихть ошень школатненъ эзга. Тя тиенди оцю влияния иттенъ лангс, конат тяда меле оцю мяль мархта якайхть Пионеронь куду.

Пионеронь кудсь тисъ план кизонь работанди. Планть коряс арьсеф организовандамс „Передвижной клуб“, коса кармайхть примосема участия Пионеронь кудть певецонза, танцоронза, музыкантонза, физкультурниконза и деткоронза. Передвижной клубти мяльсна пуроптомс аф 3000 кржа

пионер. Клубсь кармай обслуживать идень паркть, пионерский лагерьхненъ и Саранский райононь кой-кона велетненъ.

Арьсеф строямс эстрада, коса иттенди улихть организовандакшнефт концертт, идень художественнай самодеятельностень выступленийт, знатнай ломаттненъ мархта васедемат и ст. тов.

Тя кизоть сядот идь примайхть участия Мордовиять исторический вастонзонды экскурсияса. Йотафтыхть юнай геологоразведывательнай похотт. Юнай футболисттне, волейболисттне и шахматисттне йотафтыхть васедемат Ардатовань, Рузаевкань, Пензань и Ульяновский физкультурникненъ мархта.

Тяда башка Пионеронь кудсь вишкотебезе работать Всесоюзнай идень художественнай олимпиадти аноклама тевса; пуроптф ансамбльти тертьф Кирюков композиторсь. Тя ансамбльсь няфтьсы Сталинский национальный политикать торжестванц и Мордовиянь народть павазу, козя эряфонц. Аноклави баянонь оркестр, акробатический этюд, вокалистонь, пианистонь, декламаторонь группат.

Л. Махотина,

Пионеронь кудть работникоц.

Литературная страница

СИДЕ МОРОНЯТ

Куломстонза Сталинонди
Ленин макссь оцю наказ:
Тиемс тейнек пара эряф
Сембе мирти напоказ.

Киндинге тани аф перяф
Школав кели валда кись.
Сталин ялгась пара эряф
Тейнек, мокшетненди, тись.

Паксясь аф явонтьф умава,
Тозерса аш нярьхкамаз.
Сталин минь виде кинява
Пара эряфс вятсамазъ.
Морсесазь Иса—прия велеса, Инсарань
районца.

Морак тон, гармония,
Морак тонга, гармонист,
Тя миндейнек Сталин ялгась
Тяфтам цебарь эряф тись.

Конституцияньке пара,
Конституцияньке од.
Депутатокс кочкаськ Варань:
Сон ульсь пара звеновод.
Морсесазь Болду велеса, Рузаевкань
районца.

Конституцияньке пара,
Конституцияньке цебарь,
Тяни коза тят сува—
Сембонди максф фкя прават.

*) Материалсь саяф кялень, литературань
и историйнь Мордовский научно-исследо-
вательский институтста.

Федор Дурнов

КУДУ СЪОРМА

Аляй, тядя канзедь инксон,
Тяда пичедь—мон шисан:
Якстерь Армияса служан,
Тяшнян моронят, шумбран.
И эсь пачкан лятфнян велеть,
Коса серезе монь кассь,
Коса эряфть колга правдять
Тейне ашунь ливозсь азсь:
Лятфнян веленьконь, луганьконь,
Пиче виреть, Мокша ляйть,
Велеть крайста тумонь рощать,
Тиңге фталда начка шайть.
Коса шада ланга венчса
Шабакс пингстон уйфнемайть,
Рощав пачфнемайть и тейне
Калонь кундамать пяк шнайть;
Лятфнян, кода калхт китькс
лангса

Мархтот кундсеме тунда,
Кода бреднек мархта шаронтьф
Эрьхкнень ланга кизонда;
Лятфнян, кода тумстон корхнеть,
Тейне макссесь тон накаст,
Кода аердомстонк, аляй,
Сельмеветне цють срхкасть,
Кода тядязе руцянят
Тейне прянянц волдазь стась,
И сонь щёканц ланга валда
Путерькст лангозост синь прасть.
Аляй, тядя канзедь инксон,
Тяда пичедь—мон шисан:
Якстерь Армияса служан,
Тяшнян моронят, шумбран.

1940 к.

Александр Малькин.

ВАСЕДСТЬ

Лама кизот исце нйя,
Тяни тага васедсть.
Мярьгсь: „Шумбранят тон,
стирняй“.
Стирсь нинге изь шарьхкодъ,
Што сонь родной аляц сась
Польшаста стирнянтцы,
Конань мархтонза куватьс
Васедемат ашельхть.
— „Аляй, аляй, тон мрдать
Панжи Украинав“.
Алянц палазе стирняц,
Учсефоц сонь, Нинась.
Сельмеведьса шамац стирть
Радостть эзда валовсь;
Щека пряннза крфайхть,
Седиц вишкста шави.

99

УЧИТЕЛЬ НАРОДНАЙ

Андрей Чекашкин.

Тячи монь седистон
Синць лиихть стихне,
Тячи перазе
Танга савсь штамс,
Мяштезень кепсихть
Радостень вийхне,
Народнай учительть
Йораса шнамс.

Тя лемсь кармай кайгома
Вечнай одста,
Азсак сонь—горда
Седиезт прай.
Семьяса, школаса,
Ашкотф почетса,
Теенза кельгомась
Эздонк юрнай.

Павазу, козя
Учительсь странаса,—
Казезе тэжянь
Идняса народсь,
Перьфканза однятне,
Йожияхть, касыхть,
Кемоксни, валодомкшни
Сталинский родсь.

Мяляфтса, атя
Корхтась фкя тейне:
„Однятень ётка
Работамась—тантьф.
Сядот од эряф
Кельгозь мон тиень,
Кядьсон лисьфкатне
Нолдасть од панчфт.“

Ученикозе инжикс

Сашендсь, пилот ни...
Корхтась, што лиенди
Шовдаса фкакс,
Морятнень вельфке
Ендолнякс ётни.
А ня шитнень почфась
Родинань врагть.

Кулхцондонь ... эздон
Изь мянь фкявов валня.
Арьсень: вов кодама,
Лиссь капитанкс,
А седизе морась,
Павазса валовсь,
Радость-награда
Ученикозе кандсь.

Кизотне ётнихть,
Прязе ни акшемсь,
Но седисон шаржа
Аш сюрень.
Эх, кда одксихсь
Зараякс стякшнень,
Танга работать
Кочкалень тянь“.

Кульхть жа тон, славнай,
Учитель—народнай,
Кульхть, кода кайги
Странать эзда тейть.
Сиретнень, оттнень
Спасибасна горда.
Примак тон крфай
Комсомольский привет!

1940 к.

МОРАЙХТЬ

Радостна тошказевсь,
Ляйняса лангана
Чофиесь калхт.

Стирхне кштихть, морть коряс
Лакафтыхть горяйнят,
Паляснон алда синь
Од мяштьсна тарсть.
Етксост синь цёратне
Шавсть пильгонь ёрязня,
Долгада тэждяста
Откорхне шарсть.

Седизе пара вал
Морась ня кштихненди:
„Лацкас, шумбраняста
Келькседа век.
Сиредезь одксинте
Инголент тихтеди,
Шись кода шовдава
Мазы вирть велькс“.

Мазыста шаф-каряф
Менельнясь парьхциса,
Золодонь сельмонзон
Цють чипорай,
Куду тусть ялгане,
Курук ни варьхмоди,
Блесткав лугать велькса
Морня нюрый.

1940 к.

М. Кузьмина.

ТУНДАНЬ ИЛЯДЬ

Шинясь валгома ни кармась,
Сетьмось скрось ни увнай вармась.
Аньцек тракторхне увнайхть,
Стану ваймама синь сайхть.

Паксять келес стирхть да цёрат,
Шумордамс синь тевснон
ёрайхть,

Учихть весяла илядть,
Куду молихть кундань кядть...
Тяшттне пиндолдсть менельть эса,
Ковнясь няевсь веле песа,
Клубу пуромсть стирхть да цёрат,
Келес морайхть кайги морот...
Ковнять эзда валдомсь модась,
Мятать мархта Просась содасть.

Варжакстсть кельгозь фкя-фкянь
лангс,
Шарфтсть и тусть синь кафцьке
марс.

Озасть пиже топольть малас,
Митя Просать эса палась.
Кельгте, Проса, аф юкстате,
Ульхть тон первайкс тя тундатыке!
Корхтась кельгомга синь лама,
Ковнясь валгсь. Шись кармась
стяма.
Ашкодсть кельгозь фкя-фкянь
перьф,
Шинясь вавондсь топольть
вельф.

Иван Чумаков.

Аньцек лятфтасак кода эрсеме...

(Отрывка „Монь республикаге“
поэмаста)

Аньцек лятфтасак
Кода эрсеме
Этай пингоня,
Стака времена—
Седись сязев
И спокойнайста
Валсь аф азови...
Велетненди лядонсть
Аньцек атятне,
Тевс аф кондясти
Емла шабатне,
Мархтост аватне,
Горясь конатнень
Шокшезь шокшезень.
Синь кунара ни
Алять учендыхть,
Но аф сашенды
И кулянтка
Афи кученды.
Кие содасы—
Может шавовсь ни,
И сонь калмонц лангс
Кассь ни тишеня
Ляпе, сянгярня,
Вармась шерфнесы
Сонне саворне.
Мезе нйяхтяма,
Мезе кульхтяма—
Крандаст читордыхть,
Синне теезост
Шабат ласькондыхть,
Кода нармоннят
Лиезь-лиендыхть.

„Васять аляц сай!“—
Идень вайгяльхне
Марявсть кайгиста,
Стирнят-цёранят
Ласькихть бойкаста.
Крандазть эзда валгсь
Серай шапкастось,
Гимнастёркастось,
Види пильгонц лангс
Шятни саворне,
Бта пелезне,
А ся пильгоц ульсь
Шуфтста лаксефкя.
Ваны велеть лангс
Афи содави,
Мази куд улэндсь,
Конань каршеса
Гайнясть моротне,
Гармонь мази морть
Кштикшнень цёратне.
Тяни ся куднясь
Лядсь ни пряфтома,
Эсонза итне
Эряйхть трийфтема.
„Азонька, щеняй,—
Корхтайхть шабатне,—
Мярьктям—кельгомнай,
Ашить нйя ли тон
Минне алянйконь,
Минне брадоньконь?“
Мезе аляти
Теест азондомс?
Сонне аш мялец
Стака куляса
Шабань седият
Лазозь лазондомс.

СУВОРОВСЬ

(Куломдонза меле 140 кизонзонды)

Александр Васильевич Суворов — русский народный герой, прошедший века фкя инь яркой и дорогой лемсь. Тя замечательный полководец, солдатный ялгаснон и любимецнон образц тя пингс эряй народный памятт эса.

Суворов — величайший русский полководец и европейский историк, крупный военный деятель, знаменитый фкясь. Сонь лемонц перф эрфонц пингста ладцевств легендат. Сембе Европась интересовандась тя непобедимый военный начальник личностенц мархта. Иностранецненди Суворовсь ащесь загадкакс.

Суворовский славень „чудась“ азонкшневсь проста: сон ульсь генийкс, конац ламода йотазень военный искусстваса эсь современниконзон, и народный генийкс. XVIII веконь дворянский лама деятельхнень эзда, конат брезгазь шарфнесть солдатский массать эзда.

Суворовть эряфоц — тя человеческий волять сембе препятствиянень лангса победань картинац. Эсь внешностенц коряс Суворовсь аф похожаель воинонди. Сон ульсь йомла серес, осал и слабосильный, сидеста сяртыкшнел. Постоянный физический упражнения и эряфонь суровой режимса, сон календазе эсь лафча организманц сяшкава, што 70 кизонцты модемс мог кирнемс труднейшей похоттнень солдатнень мархта рядсок.

Будущай полководецсь шачсь 1730 кизонь ноябрь ковста аф козя и аф знатный порутчиконь семьяса. Ся пингть оязоронь дворса сонь ашельхть касоманди эрявикс сотконса и влиятельный покровительснэ.

Суворов няезе, кодама огромный вийхть кирди эсь эсонза русский народсь. Сон лувондозе русский армиять отваганц и сонь стойкостенц инкса или армиятнень коряс сяда вьере. Суворов путсь эсь инголенза великай задача лихтемс лангти русский солдатнень нят основной чертаснон, шарфтомс синь пассивный стойкостснон сознательный и активный настойчивостекс. Суворовть заслуга ащи сян эса, што сон смелста критиковандазе сондедонза инголе уликс войнань теориять и азозе эсь од валонц войнань тевонь историяса.

Оцю военный авторитетокс, ся пингоня ульсь прусский корольс Фридрих II. Сонь армияц лувондовсь образцовайкс. Фридрихть системац ульсь основандаф солдатонь жестокой муштраць и ужаснай палочнай дисциплинаць лангса. Суворовсь создал войскань воспитаниянь и тонафнемань эсь системанц, конанц главной правила — армиять моральной состоянияц колга заботась, эрь боецть ширде сознательностень и активностень вешемась.

Суворовть военный системанц, конац азф сонь книганзон эса: „Наука побеждать“ и „Деятельное военное искусство“, лама современникт ащесь шарьхкотькшне. Суворовть идеянон последствяснон воспринял и сяда тов касфтозень Наполеонь.

Суворовть лемонц к а й г и известность получасть турецкий войнатнень пингста. Сон тюрсь Туртукайса (1773 к.), Кинбурна (1787 к.), Очаковса (1788 к.) и сембе вастса иляткшнесь победителькс. Рымника битвась (1789 к.), — коса Суворовсь 25 тьожань лувксса русский войскатнень

мархта тапась сяда тьожанень лувксса турецкий армия, макссь тейнза лучшей русский полководенц слава. Измайл неприступнай турецкий крепостть штурмадонза меле (1790 к.), — военный историяса беспримерный случайда меле, — Суворовсь ульсь лувф Европань крупнейшей полководецкс.



Солдатне пяк кельгозь Суворовть и сонь лангозонза пяк надиясть. Правительствась лятфнезе Суворовть анычек войнань пингста, но юкснезе сонь миронь кемокстамда меле, ащезе сувафне награда казфнень йоткс, кодондозь сильфонь алу. Анычек 1794-це кизонь польский компанияса блестящий руководстванкса Суворовти ульсь максф фельдмаршалонь звания.

Армиянь павловский реформась, конац йордазе сонь пале векта сяда фталу, корянке ащесь войскань тонафнемань суворовский системать каршес. Императорть и сире фельдмаршалть йоткса ушедсь тюрема. Суворовсь вешсь од формат полафтоманц и протестовал Павелть жестокостенц каршес. Фельдмаршалть кайги славац лездсь сонь протестонцты кирдемс оцю действеннай значення. Императорсь макссь Суворовти отставка и курокста сослал сонь глухой велес полициять надзоронц алу, и выездонди правафтома.

Павелсь учсь фельдмаршалть ширде помилованиянь колга просьба, но Суворовсь содазе эсь правотанц и ульсь непреклонный. Эсь панема вастсонза Суворовсь эрясь колма кизот и напряженнайста ванць Европаса касы событиятнень мельге. Сон содазе, што мирса эвондась од военный звезда — Наполеон Бонапарт.

1799 кизоня австрийский и английский правительствась зняльксснон коряс Павел тердезе Суворовть ссылкаста и мярьгсь тейнза арамс русско-австрийский войскатненди во главе, конат действовали Франциять каршес. 70 кизоса Суворовть Италияв походоц ащесь военный искусствань образецокс, сонь генийнцты сембодя оцю сатфксокс. Тя кампаниять

мархта русский армиясь прославил эсь прянц сембе мирса. Адеть, Треббиять и Новить ала битватнень эса русскых те кирдсть лама блестящей победат Европаса французский инь цебарь войскатнень лангса и ков пялень пингта меле освободили Италиять. Суворов думандакшнесь Парижть лангс походть колга, но Австриять из-

Западной Европаса войнась

Военный действиянь дневник

Майть 16-це шистонза. Голландский армиять капитуляцияц мархта Ростердаму, Гаагу и Амстердаму германский войскатнень сувамаснон мархта аделавсь Голландияса крупной военной операциянь периодсь.

Странать башка райононзон эса голландский войскань частьтнень сопротивлениснон аш ни вийсна полафтомс голландский фронтонь участкаса положенянь. Германский войскатне ингольдень бойхнень успешнайста мольфтемаснон вельде занязь Голландиять оцю пяльксонц и лиссть франко-бельгийский границав и кой-кона вастса йотазь границать.

Бойнь центрсь йотафневи бельгийский территорияв, частична французский Антверпен — Намюр-Седан району, коса кафцьке ширеста примосихть участия моторизованнай частьт и авиациясь.

Союзникнень вийсна тиендихть попыткац лоткафтомс германский войскатнень наступлениснон и аф нолдамс бельгийский побережьяти синь лисемаснон и Франциянь границатненди сяда тов молемаснон.

Инь пяк вишке бойхть мольсть майть 15-це шистонза Намюр-Седан участкаса Маастмаласа.

Рейтер агентствать сообщенианц коряс, тя участкаса вятихть наступления германский бронетанковой дивизият. Французский командованиясь примоси мератсян инкса, штоба лоткафтомс синь молемаснон. Седанть эзда югшири, кода лувондсазь синць францусне, германский войскатненди удалась колма вастова сяземс француснень позицияснон. Французский пехотнай частьтне тяжелой танконь лезксть ала тиендсть попыткац, йотамок контратакац и ладямс оду Седанть эзда югшири ащи положенянь. Однако, германский даннайхнень коряс ня контратакатнень успешна ашельхть. Намюр-Седан участкаса бойхне молихть.

Антверпенъ мархта и Намюрть йоткса маладсть германский и английский войскатне. Тяса союзникнень частьсна, нежетькшнемок Антверпен и Намюр крепосттненди, тиендихть сопротивления немценень наступлениснонды.

Антверпен-Брюссель районца и Маас ляйть рубежа кафцьке воявай ширетнень мархта значительнай вийнь, тяка лувксса бронетанковой частень пуроптомась няфнесь, што тьаса молихть вишке бойхть, конатнень исходснон эзда кармай ащема бельгийский фронтонь участкаса военной действиятнень результатсна.

Майнь 15-це шить пингста сатомшка активизировандазь эсь деятельностьснон англо-французский вийхне. Союзникнень авиацияснонды нападениянь объектокс ащесь Германиять промышленнай центранза — Эссенць, Аахенць, а тяфта жа германский войскань колоннатне и Маас ляйть туркс йотамань пунктне. Английский авиациясь Германиять территорияса Рейн ляйт эзда восток шире бомбардировандась машинань и шоссейнай кит, тя мархта стреминдондасть кирдемс Бельгиянь и Голландиянь границатненди од германский войскань самать.

Норвегияса Нарвикть районца положенясь илядсь атак полафтт.

Ответ. редакторть заместитель И. ЧУДАЙКИН.